

سنه لکي در سعادت ايچون مجديه
يکرمي غروش حسابيله الشمس
غروشدر

طشره ايچون بوسته اجرتي اوله رق
اون بش غروش ضم اولنور

نسخه سي ٤٠ پاره در

فکر نایب محاکم علیه

آبونه اولوق ایستینلر دائره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجدیه اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

احراز فخر و شرف بی پایان ایدن جریده محاکم عدلیه دخی ولادت
باهر السعادت ملکدار اعظمیلری روز فیض افروزی دوره متیمه سندن
طولانی من غیر حد ناصیه سایی زمین مملو کیت اوله رق عرض تبریکات
عبودیتکارانه به جرات و جناب خلاق جهان وکیل نبی ذیشان ولی نعمت
بی امتنان پادشاهمز افندمرن حضرتلرینی مادام الملوان بالعافیه والاقبال
زینتساز تخت معالی شوکت و شان و بوکی ایام مبارکه نک مشاهده امثال
غیر معدوده سیله عامه بندکان وزیردستان صدقشان ملوکانه لرینی
مسعود و شادان بیورسون دعای مفروض الاداسنی تذکار و تلاوتله
تربین لسان رقیق و صداقت ایلر.



ولادتها بوزیمتیمه لرین خیمه خلافتینا هی

ما به الافتخار آل عثمان سرتاج ابتهاج سلاطین عدل اقتران
ولی نعمت بیتمز خلیفه نبی ذیشان شهنشاه عدالت عنوان افندمرن
حضرتلرینک زیب آور مهد نباهت اولدقلری شهر شعبان شریفک
اون التنجی کونی رونق افزای حلول اولغله اشبو روز سعید افروز
بالجمله بندکان وزیردستان صادق الجنان شهریاریلری ایچون واجب التعظیم
والتسعید بر یوم مسرت بدید در.

سایه سماپایه جناب خلافتیناه اعظمیلرنده مستظل امن وامان
اولان کافه تبعه شاهانه لرینک تأمین اسباب حضور و سلامتی خصوصنده
دائماً تنویر عیون شکران ایلان بونجه تأسیسات و اصلاحات معدلت آیات
شهنشاهیلرینک خلاصه آثار عالیه سنی نشر و اعلان وظیفه مفتخره سیله

تبلیغات

بولتیقه و سوء قصد و فعل شنیعدن ماعدا جرائم ایله محکوم اولان مجرمیندن
در سعادت حبسخانه عمومیسنده محبوس اولوب ثلثان مدت جزائیله لرینی اکیال ایدن
٧٨ ذکور و ٢ اناث که جمعاً ٨٠ کشینک « ولادت باهر السعادت حضرت
خلافتیناهی » به مصادف روز فیروزه حرمة اخلائی سیللیری و طشره حبسخانه لرنده
محکوماً محبوس بولنان بومثالو مجرمینک دخی عفو عالی جناب پادشاهیدن استفاده
ایتمک اوزره کیفیت هر طرفه تلغرافله تبشیری خصوصنه اراده مراحم معتاده
جناب جهانبائی شرفتملق بیورلمش و بر منطوق امر و فرمان هایون اقتضاسنک
ایفاسی ضمننده عدلیه نظارت جلیله سندن ضبطیه نظارت جلیله سیله در سعادت استیناف
مدعی عمومیلکی مأموریت بهیه سنه تذکره لر تسطیر و طشره محاکم استینافیه سی مدعی
عمومیلکترینه کیفیت تلغراف ایله تبلیغ و تبشیر ایدلمش و مذکور حبسخانه عمومیده
محبوس اولوب مظهر عفو عالی اولان مجرمینک حضوری معتاد اولان ذوات
مواجهه سنده سیللیری تخلیه اوله رق عمومی طرفندن دعای تمادی عمر و عافیت
واجال و ولی نعمت بیتم اعظمی تذکار و تکرار قلمشدر.

محاکم جزائیهدن حقوق شخصییه متعلق غیاباً لاحق اولان اعلام ایله محکوم
اولوبده اعتراض علی الحکم طریقله محکمه سنه مراجعت ایتمکسزین تمیز دعوی
ایدنلرک بوسیدن طولانی محکمه تمیزدن رد اولنان استدعانا مه لرینک اعتراض عمر نحالی

مقامنده قبول اولوب اولمه جی وردی حاوی اولان تمیزاعلامنک محکوم علیه تبلیغی لازم کلوب لکجه جکی خصوصاتنک استفساریه دائر بغداد ولایتی استیفاف مدعی عمومیکنندن وارد اولوب انجمن عدلیه حواله قلسان ۸ مارت سنه ۳۲۳ تاریخلی شقه ایله ملفوفاتی اوزرینه انجمن مذکورجه جریان ایدن تدقیقات ومذاکرات نتیجه سنده حقوق شخصیه متدائر وجاهی وغیابی لاحق اولان احکام جزائیة علینده ویریلان تمیز استدعاهلرینک هر نه سببیه اولور ایسه ردینی متضمن محکمه تمیزدن لاحق اولان مقررانک نوع دعوی اعتباریه برمنوال محرر حقوق شخصیه تعلقتندن ناشی تنظیمی ایجاب ایدن اعلاماتنک دخی بودعوایه قارشو مدعی علیه صفتی حائر بولسان محکوم علیه تبلیغی اصولاً مقتضی کورنمش ورد ایدیلان تمیز استدعاهلرینک قبل الاعتراض احکام غیایه علینده ویرلش اولمندن ناشی بولنرک اعتراض علی الحکم عرضحالی مقامنه قائم اولوب اولمه جی استفساریی محتوی بولنان فقرهیه کلنجه اصول محاکات جزائیة قانوننک بوکی اعتراض عرضحالرینه متفرع اولان مواد معلومه سندن استنباط اولندینی اوزره سالف الذکر تمیز استدعاهلرینک کرکه مندرجاتی وکرکه مرجع اعطاسی نقطه سندن اعتراض علی الحکم عرضحالی مقامنه قائم اولمه جی درکار بولنمش اولدینندن بوجهله مذکور مدعی عمومیکه تبلیغات جوابیه ایضای لزومی بیان وافاده اولمشدر .

عدلیه نظارت مجلیه سنده عدلیه مفتشدر محاکم استیناف مدعی عمومی بولرینک نظیر قلسانک فقرات عمومی صوبه:

نواحی مجلسلرنجه ایضای مقرون مساعده سنیة جناب خلافتناهی اولان وظائف صلحیه وعدلیهیه متعلق اوراقنک بولدن استثنای حقدنه دیون عمومی اداره سنک استحصال موافقتیه نتیجه سنک انباشه دائر سبق ایدن تبلیغ سامی موجبجه لدی الاستیضاح قومیسر لکدن آلتان جوابده مجالس مزبورنک نظامنامه نکه مواد مخصوصه سی موجبجه ایضاسیه مکلف بولندقلری وظائف اقتضاسنجه قباح دعوالرینه متعلق اوله رق تنظیم ایده جکلری اوراق تمفاقانوننک بکرمی یدنجی ماده سنک سکرنجی نومروسی حکمنجه ذاتاً تمفا رسندن معفو اولدینی کبی حقوق دعوالرینه متعلق اولان اوراق دخی اهمیتی جزئی برطائم امور ومصلحه متعلق اولسنه ومجالس مزبورنک وظائف صلحیه سی اولدینی حالد مصالح مذکورنک قسم اعظمی محاکم عادیه بده سوق اولمه جی واوراق

من بوره دن نظامنامه نکه الی طقوزنجی ماده سی موجبجه برکونه خرج ورم انیه جی درکار بولنسنه وبوبابده حکومت سینه جبه کوزه دیلان مقصد عالی به وقانون مذکور موجبجه بوکی اوراقدن رسم استیفا قلندینی حالد مدعی بهک قیمتی ایله استیفا اولنه جق رسم بینده کوریه جک نسبتزلکه بناء بولنرک دخی بولدن استثنای موافق کورلدیکی ومع هذا بومعفویت الیکر نواحی مجلسلرنجه تنظیم اولسان ومار الذکر نظامنامه نکه دردنجی وبشنجی والتنجی ویدنجی واللی طقوزنجی ماده لرنده مصرح بولسان اوراقه مخصوص ومنحصر اوله رق بولنرک غیریه وبخاصه مجالس مزبوریه ویریه جک عرضحالره اشالی غیرجائر اولوب حقلرنده تمفا قانونی موجبجه حرکت اولنسی مقتضی بولندینی بیلدیرلدیکی مالیه نظارت جلپه سنک اشعارینه عطفاً باتذکره سامیه ازیار بیورلش اولغله اولوجهله ایضای معامله ایدلک ولان کلنره تبلیغ کیفیت اولنق اوزره اشونحریرانک نسخ مطبوعه کافی سی لفا ارسال قلندی

تمفا رسمی قانونه متعلق مسئولیت قانونیه نکه تبعه اجنبیه حقلرنده ۱۸ تشرین ثانی سنه ۳۲۲ تاریخندن معتبر طولتسی و آندن اول مخالف قانون جریان ایدن معامله دن طولای تبعه مذکورنک جزادن استثنای ایجاب مصلحته موافق اولدینی باتذکره سامیه اشعار بیورلدینی بیانیه اقتضاسنک ایضای مالیه نظارت جلپه سندن بیلدیرلش اولغله لازم کلنره تبلیغ کیفیت اولنق اوزره اشونحریرانک نسخ مطبوعه کافی سی لفا ارسال قلندی

محاکمات مفتشدرانک

محکمه تمیز استدعا دائره سندن تنظیم واعطا اولنان اعلامدر:

قونیه ولایتی استیناف محکمه سی جزا دائره سندن لاحق اولوب ۱۱ تموز سنه ۳۲۲ تاریخنده تفهیم ایدیلان وظیفه قرارینی حاوی اعلامک تمیزیی مدعی محکمه مذکور مدعی عمومیکی طرفندن ویریلان ۱۸ تموز سنه ۳۲۲ تاریخلی استدعاهمه واوراق متفرعه سی باش مدعی عمومیک مأموریت بهیه سنک ۳ شباط سنه ۳۲۲ تاریخلی تبلیغنامه سیله محکمه تمیز استدعا دائره سنه تودیع اولغله لدی التدقیق مذکورک استدعاهمه نکه مدت قانونیه سی ظرفنده ویرلدیکی اکلاشلدینندن اوراق مرقومه دائره جبه قرائت ومطالعه اولندی .

اعلام مذکورک مالی رضای ضرب ایله تشهیر سلاح وتهدید ایتملرندن طولای مظنون علیهم اولان کستانه محمد ورفقاسی حقلرنده بدایه اجرا قلسان محاکمه ده فعلاری جنایت نوعندن کورلمکه مستطقلکه تودیع کیفیت اولنمش ومستتعلق جانبندن دخی اولوجهله ویریلان جنایت قراری اوزرینه استیناف مدعی عمومیکی جانبندن سالف الذکر بدایت محکمه سی قراری علینده استیناف دعوی اولغله اولبابده جریان ایدن محاکمه استینافیه ده دعوی واقعه نکه جنایت نوعندن اولدینغه دائر بدایه ویریلان قرار اوزرینه ایش مستطقلکجه دخی اولوجهله قرار آلتیه آلتش ومستتعلق قرارینشک تدقیق ایسه هیئت اتهامیه عائد بولنمش اولمسيله مستتعلق قراری میدانده بولندقه بدایت محکمه سی قرارینک استینافاً رؤیت وتدقیقه صلاحیت قانونیه بولندینندن بجنه استیناف استدعاسنک ردینه قرار ویرلدیکندن ومذکور استدعاهمه به مربوط لایحه ده مندرج اعتراضاتک خلاصه سی دخی حقوق عمومیه مأموری مسئله مبجوت عناده محکمه قراری علینده استیناف ومستتعلق قرارنامه سنه قارشو اعتراض شقلرندن مرجع کوردیکی اختیار والتزام ایتک خصوصنده مأذونیت وصلاحیت قطعی حائر ومراجعت اولنان طریق قانونی اعتباریه تصحیحی مطلوب اولان حکم وقرارک مرجع نظامسنجه تدقیق اولنسی ایچون مجبوریت قانونیه درکار اولدینندن محکمه استینافیه نکه مستتعلق قرارنامه سی موجود اولدینغه ابتداء سلب وظیفه ایله تدقیقات استینافیه دن امتناع ایلی و استیناف دعوی حکم ابتدائی اوزرینه تعلق ایتدیک جبهته وظیفه قانونیه سی اهل وحقوق عمومیه مأمورینک صلاحیت قانونیه سی تقید ایلی قواعد اصولیه کیلک مغایر ومنافی اولدینندن بجنه مذکور اعلامک تقضی طلبندن وتبلغنامه نکه مفادی دخی وظیفه مسئله سی حقدنه بدایه ویریلان قرازک استینافاً تدقیق مقتضیات احکام قانونیه دن بولنمش ایسه ده قرار ابتدائی اوزرینه مستتعلقه تودیع مصلحتله اولوجهله قرارلشدینی درمیان اولنسنه نظراً لایحه تمیزیه ده سرد اولنان اعتراضات بطریق ایله بجا کوریه مامش اولدینندن ذکر اولنان تمیز استدعاهمه سنک ردی لازم کله جکی بیانندن عبارتدر .

ایجابی لدی المذاکره اوراق موجوده مندرجانتندن منضم اولدینی اوزره فعل واقفک جنایت نوعندن اولدینغه دائر بدایه ویریلان قرار اوزرینه اوراق دعوی مستتعلقه کوندرلش ومستتعلقکجه دخی اولوجهله قرار ویرلش اولسنه نظراً استیناف محکمه سی قراری مصیب وبجا کورلدیکندن لایحه

تمیزیه ده سردوبیان ایدیلان اعتراضات وارد اولدینندن مذکور تمیز استدعاهمه سنک ردینه ۲۸ شباط سنه ۳۲۳ تاریخنده متفقاً قرار ویرلدی .

آخته پولی قضاسی بدایت محکمه سی جزا دائره سندن لاحق اولوب ۲ اغستوس سنه ۳۲۲ تاریخنده تفهیم قلسان قراری ناطق ۱۷ اغستوس سنه ۳۲۲ تاریخلی واوراق بش نومرولی اعلامک تمیزاً تدقیق مستدعی آخته پولی قضاسنک قورقه قله قریه سی اهالیسنندن حاجی احمد اوغلی سلیمان افندی طرفندن ویریلان ۵ اغستوس سنه ۳۲۲ تاریخلی استدعاهمه ایله ووراق متفرعه سی باش مدعی عمومیک مأموریت بهیه سنک ۲۰ مارت سنه ۳۲۳ تاریخلی تبلیغنامه سیله محکمه تمیز استدعا دائره سنه تودیع اولنمش ولدی التدقیق استدعاهمه مذکورک مدت وشروط قانونیه سنه موافق اولدینی اکلاشلمش اولدینندن بالقبول تدقیقات تمیزیه اجراسنه ابتدار قلندی .

اعلام مذکورک خلاصه مالی یا تقو قارنوجو اوغلی یورکی ایله قالیانی اوغلی قسطنطینک ایکرأس قره صغر اینکی جبراً اخذ وغصب ایلدکلری ادا ایدلسندن طولای مظنون علیهما اولان سلیمان افندی ایله موسی الیهک قورجیسی عثمان اوغلی داودک اجرا قلسان محاکمه لری نتیجه سنده یورکی ایله قسطنطینک ایکرأس قره صغر اینکی ور بوزاغی چوبانلری طرفندن کندوسنک چاپچیریلان طاموزلق حیواناتی ظنیه خود بخود ضبط ایدلدیکی والیوم موسی الیه سلیمان افندی نکه یدنده بولندینی کندولرینک اقراری ومع القسم استماع قلسان شهودک علی الدرجات وقوع شهادتاری وسلیمان افندی نکه کندو مالی اولدینی اثباتدن اظهارعنز ایتدی کبی دلائل وبراهین ایله واصل مرتبه ثبوت اولدینندن جزا قانوننامه هایوننک ایکر یوز الی دردنجی ماده سنک صوک فقره سی حکمنه توفیقاً اوچر بشلک جزای نقدی ایله محکومیتلرینه ومدعابه حیواناتک یدنده موجود اولدینی اقرار ایلان سلیمان افندی نکه بالاسترداد عیناً واوله مدینی صورنده شهود مستمع نکه افادانه نظراً محکمه جبه تقدیر قلسان یورکینک بوزاغی واینکی ایچون درت یچق وقسطنطینک اینکی ایچون اوچ یچق که جمعا سکر عدد لیرای عثمانیک تضمیناً تحصیلیه مرقومه تسلیمه وایشاده سرقت قصدی کوریه مدیکندن مظنون علیهما نکه بوجهندن برائتینه قرار ویرلدیکندن عبارتدر .

لایحه تمیزیه ده مدعابه حیواناتک جبراً اخذ وغصب اولدینی ادا ایدلکده ایسه ده معامله جبریه استعمال ایدیلوب ایدلدیکنک محکمه جبه تدقیق

اولدینغه ومشتکیلر طرفندن کندی مالاری اولدینی ادا قلسان حیواناتک رنکری تعریف اولنه مدینی کی اولبابده استماع قلسان شهودک افاده لری دخی بکدیکرینه مابین بولندینی وبناء علیه ادا قلسان فملک دخی حقوق عمومیه جبهته تعلق اولماسی حسیله دعوی واقعه یی رؤیت ایلک محاکم جزائیة نکه وظیفه وصلاحیتی خارجنده بولندینغه وسأره ده دائر اعتراضات سردیه اعلام مذکورک تقضی استدعا ایدلشددر .

تبلیغنامه ده دخی لایحه تمیزیه ده قضائی تدقیقات ومعاملاتدن بجنه سرد اولنان اعتراضات بجا کورنمکه اعلام مذکورک اولوجهله تقضی طلب اولمشدر . ایجابی لدی المذاکره اعلام مذکور مندرجانتندن منضم اولدینی وجهله مستدعی مرقوم نظامت ملکیهیه مخالف حرکتندن طولای اوچ بشلک جزای نقدی اعطاسنه محکوم ایدلش ایسه ده طرفندن سرد اولنوب اعلام میز بده مندرج بولان وظیفه اعتراضی حقدنه اصولی دائره سنده تدقیقات مقتضیه ایضا واکا کوره برقراره ربط اولنسی وآخذ مذکورک دخی توصیف اولدینی جبرکیفیتی حقدنه ده تعمیق وتوسیع تحقیقات قلنسی ایجاب ایدر ایکن محکمه مذکورجه به بو جهتلرک نظر اعتنایه آلتماسی مخالف اصول وقانون اولوب لایحه تمیزیه ده دخی بو جهتی تضمن ایدن اعتراضات مستنزم تقض اسبابدن معدود بولندینندن اصول محاکات جزائیة قانوننک اوچوز اون دردنجی واوراق بولنمش ایضای احکامنه توفیقاً اعلام میز بهک بر موجب تبلیغنامه قضیه اوراقک محله اعاده سنه ۲۱ مایس سنه ۳۲۳ تاریخنده متفقاً قرار ویرلدی .

ارضروم ولایتی مرکز بدایت محکمه سی جزا دائره سیله هیئت اتهامیه سندن لاحق اولان قرارلرک بکدیکرینه مابین اولمندن طولای تعیین مرجع دعوی طلبی متضمن ولایت مذکور استیناف محکمه سی مدعی عمومیکنندن ۲۸ شباط سنه ۳۲۲ تاریخلی تحریراتله ارسال اولنان اوراق باش مدعی عمومیک مأموریت بهیه سنک ۲۴ نisan سنه ۳۲۳ تاریخلی تبلیغنامه سیله محکمه تمیز استدعا دائره سنه تودیع اولغله قرائت ومطالعه اولندی .

اوراق مرقومه مالرینه نظراً امین قربی محله یی تجارندن او اکیمه بعض مضرت وقوعه کتوره جکی بیان وافاده ایله بیک لیرا طلبی حاوی مکتوب ارسالله اخافه وتهدید ایدلکی ادعاسیه مظنون علیه اولان مرقومک مخدومی پروانک ججنه ایله لزوم محاکمه سنه دائر مستتعلق طرفندن ویریلان قرارنامه اوزرینه

محکمه مذکورده اجرا ایدیلان محاکمه نتیجه سنده مرقوم پروانک اجرا ایدلکی جرمه جنایت شائبه سی اولدینی جریان ایدن محاکمه ومذکور مکتوبک مندرجاتیه اکلاشلدینندن بجنه اشبو دعوانک رؤیتی محکمه نکه صلاحیتی خارجنده اولدینندن اوراقک مستتعلقه تودینغه قرار ویرلش ومستتعلقکجه دخی اولوجهله ویریلان قرارنامه هیئت اتهامیه جبه بالتدقیق مذکور قرارنامه نکه تطبیقات قانونیه فقره سنک فسخیه مرقومک فعل مذکور مجاسرتندن طولای حرکتته توافق ایدن قانون جزانک یوز طقسان برنجی ماده سنک صوک فقره سی موجبجه ججنه ایله لزوم محاکمه سنه قرار ویرلش وشوصورتله هیئت اتهامیه ایله محکمه مذکور قرارلری بیننده حاصل اولان اختلافک تعیین مرجع صورتیه فصلی محکمه تمیزه عائد بولنمش اولدینندن بجنه مقتضای قانونینک ایضای بیان واشعار ومارالذکر تبلیغنامه ده دخی محکمه مذکور قراری مصیب وموافق قانون کورندیکندن اکا مابین اولان هیئت اتهامیه مضطبه سنک تقضی لازم کله جکی انبا اولمشدر .

ایجابی لدی المذاکره اوراق موجوده مندرجانه نظر فعل واقفک جنایت نوعندن ایدوکی اکلاشلسنه مبنی محکمه مذکورنک قراری مصیب وموافق قانون اولوب هیئت اتهامیه نکه ججنهیه متدائر قراری بولنر کورلدیکندن اصول محاکات جزائیة قانوننک درتیوز اون سکرنجی ماده سی حکمنه توفیقاً محکمه مذکور قراری وجهله ایضای معامله اولنق اوزره اوراق مرقومه نکه هیئت اتهامیه تودینغه ۱۲ مایس سنه ۳۲۳ تاریخنده اکثریتله قرار ویرلدی .

محکمه تمیز حقوق دائره سندن تنظیم واعطا اولنان اعلامدر:

لشینه زبر قریه سی اهالیسنندن اولوب دلویه قصبه سندن مقیم خانجی اصنافندن فوطو استاورو لزو ایله نفس یانیه ده مقیم بنقوله پوسته جی بیننده متکون دعوایه دائر یانیه استیناف محکمه سندن ۲۸ شباط سنه ۳۱۷ تاریخلی واون بر عددی ایله ویریلان اعلام مرقوم فوطو استاورو طرفندن تمیز ایدلکله اعلام مذکور الیکر مستدعینک اعتراض لایحه سیله بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مالی مرقوم بنقوله نکه امره محرر برقطعه سند موجبجه مزبور فوطو استاورونک کفالتی وبنقوله دجنه یدله قوقه زاده محمد بکه اقراض الیش اولدینی الی یدی عدد عثمانی لیراسنک اصیل وکفیل مرقوماندن مع قاض تحصیل

دلويته بدايت محكمه سنده طلب ودعوى وعندالحاكمه مبلغ مدعا بهك مرقوم نيقولاكى معرفتيله تدین ايدليكي بيان ايديلوب حقوق عقدك عاقد رجوعى ايسه حكم قانون اقتضاسندن بولنش اولمسنه نظراً كندوسنه بوباده خصومت توجه ايتيه جكنى ومبلغ مدعا بهك وكيل مرقومه تسويه ايدليكى مومى اليه محمد بكك مدافعة درميان ايتى اوزرينه وكيل مرقوم نيقولهنك بوخصوصده كى وكالتك درجهسى اكلاشلق ايجون مقاولات محررلكندن جلب وتدقيق ايديلان وكالتامه سنده مومى اليه محمد بكك مزبور نيقولاكى كندى طرفندن مبلغ مدعا بهى اخذ واستقراضه مأذون قيلديغه دائر بركونه صراحت موجود اولمديغه بناءً مدعى مرقومك بوباده طوغريدن طوغرى به عاقد ني قوله دجقه به حق مراجعتى باقى اولمق اوزره مدعينك مومى اليه محمد بكك قارشو اولان معارضه سنك منعه دائر محكمه مذكوره دن لاحق اولان اعلام عليهنده مرقوم ني قوله پوسته جى طرفندن استيناف دعوى اولمى وتعيين اولنان كونده مستأنف عليهمادن كفيل مزبور فوطو استاورونك اجابت ايتامسى اوزرينه آنك حقنده وكيل مسخر حضوريله غياباً ومحمد بك حقنده وجهاً اعلام ابتدائىك فسخيله اجرا قلنان محاكمه وتدقيقات استينافيه نتيجه سنده مومى اليه محمد بكك مبلغ مدعا بهى كندى نامه اولمق اوزره ني قولاكى دجقه واسطه سيله استقراض ايدليكى حقنده كى ادعاسنى مستأنف مرقوم ني قوله پوسته جى اثباتدن اظهار عجز ايله وقوعبولان طليله مومى اليه محمد بكك امرتخليفى اجرا قلنش اولمسنه مبنى مبلغ مدعا دن طولايى مرقوم ني قوله نك مومى اليه معارضه دن منعه واصيلك انكارى كفيلك برائى استلزام ايدميه جكى جهتله كفالتى حسييله غائب وكفيل مرقوم خانجى فوطو استاورونك يمينه تعليقاً مبلغ مذكورك مع فائض كندوسندن تحصيله دائر لاحق اولان اعلام غيابهى حكمنه مرقوم فوطى طرفندن اعتراض اولمى اوزرينه وجهاً سبق ايدن محاكمه وتدقيقات نتيجه سنده دخى معترض مرقومك اجراى تخليفى ضمنتده وكيل بولسان اسماعيل وهى افندى موكلنى كتوره جكنى بيان ايدرك اولوجهله طرفينك امضالرى آلمش ايكن تعيين قلنان كونده كلامش اولديغندن معترض مرقومك اولبابده كى اعتراض استدعاسنك رديله اعلام غيابهى مذكورك تصديقه حكمنه ومستدعينك اشبو حكم عليهنده لايحه سنده محرر باشلوجه اعتراضى مديون اصيله خصومت توجه ايدوب ايتديكى جهتلرى فصل اولمقسزين مومى اليه محمد بكك تخليفنك اجرا قلنامسى ومومى اليهك صورت تخليفى نه يولده اولديغنك

اعلامده ايضاح وتعريف ايدلامسى ونتيجه تخليفده مومى اليهك مبلغ مدعا دن طولايى برائى تحقيق ايتسنه نظراً آنك ضمنتده كندوسنك دخى كفالتدن برائى لازم كلور ايكن بومهمه قانونيه به دخى دقت اولنامسى مغاير قانون اولديغندن بحال اعلامك قضى استدعاسندن عبارتدر .

ايجابى مذاكره اولندقه اعلام مذكور مألندن اكلاشدينى اوزره اصول محاكمه حقوقيه قانونك طقسان دردنجى مادهسى حكمنه يمينى قبول واجرا ايتك بالذات موكله عائد اولمسنه نظراً يمينى اجرا ايتك اوزره اصيل مرقوم فوطو استاورونك جلب ودعوت ايدلسى لازم كلور ايكن موكلنى كتيره جكنه دائر وكيلك امضاسى آلدني حاليه كلامش اولمندن طولايى اصيل مرقوم فوطو استاورونك يميندن نكول ايتش عد ايديله رك حكم ايدلسى يولسر وقانونه مغاير اولديغندن قانونامه مذكورك ايكي يوز قرق برنجى مادهسى موجبجه اعلام مذكورك نقصنه وايكي يوز قرق دردنجى ماده سنك فقره اولاسى حكمنه توفيقاً كيفيتك قالدني نقطه دن صورت محرره دائره سنده بالرؤيه اعلامه ربطى ضمنتده محكمه مذكوره به اعاده سنه ومستدعى تميز طرفندن اخذ واستيفا قلنان اوچيوز طقسان اوچ بچق غروش مصارف تميزيه نك ايلروده حقسر چيحه جق طرفه عائد اولمسنه ۱۸ حزيران سنه ۳۱۸ نارينخنده متفقاً قرار ويرلدى .

قامليانك خاليسى سرقت ايتديكى ادعا قلنان رالينك اشبو حركتى ثابت اوله مديغندن برائته محله آره سنده سلاح آتدينى ادعا قلنان حسنك اشبو حركتى ثابت اوله مديغندن برائته مانوك ملتيدى يى ضرب ايتديكى ثابت اوله مديغندن برائته

اطاله لسانده بولندقلرى ادعا قلنان جمال ونورى افنديرك اشبو حركتلرى ثابت اوله مديغندن برائتيريه

خرستونك لوقه نك قوزيليرنى سرقت ايتديكى ثابت اوله مديغندن برائته

رفتك آنته يى جرح ايتديكى ثابت اوله مديغندن برائته

يوركينك محله آره سنده سلاح آتدينى ثابت اوله مديغندن برائته

على ضيانك محله آره سنده سلاح آتدينى ثابت اوله مديغندن برائته

واحدك راشدك اموالنه ايراث خسار ايتديكى ثابت اوله مديغندن برائته

پوليس عثمان افنديك حكمت افندى يى ضرب ايدليكى ثابت اوله مديغندن برائته قله آتنيك طنطاوى زاده خالدبك افنديك قاصه سنى قيره رق اچقه سرقت ايتديكى ثابت اوله مديغندن برائته بك اوغلى بدايت محكمه سى جزا دائره سنجه قرار ويرلشدر .

اعلانات

ايكنى تجارت محكمه سنده :

بيوكدرده قلفات يرنده فرونده مقيم اتمكجى پاندهلى ميلونيك ۴ ايلول سنه ۳۲۳ تاريخندن اعتباراً اعلان افلاسنه ومصالح افلاسيه نك رؤيت وتسويه سى ضمنتده اعضاي محكمه دن عزتلو بدوسا كى افنديك ژورقوميسر ودعوى وكيللرندن شمعون لوى ورسائى افنديرك موقت سنديك تعيينلرينه ومغازه سيله اشياى زائده بيتيه سنك تمهيريته واوراق ودفاترينك جلبه وكفالت مصدقه ارايه ايدمديكى تقديرده حبس وتوقيفه وبوباده كى قرارك موقتاً اجراسنه ايكنجى تجارت محكمه سنجه قرار ويرلش اولديغندن قانوننامه تجارتك ۱۷۰ نجى مادهسى موجبجه دائمى سديكلر انتخاب اولمق اوزره اشبو ۳۲۳ سنه سى ايلونك اون طقوزنجى چهاشنه كوني ساعت يدى راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سنه كللى اعلان اولنور .

بيوكدره چايرنده ۳ و ۴ نومرولى دكانده مقيم بقاليه تجارتيله مشغل ني قولاي آيوسنك ۶ ايلول سنه ۳۲۳ تاريخندن اعتباراً اعلان افلاسنه ومصالح افلاسيه نك رؤيت وتسويه سى ضمنتده اعضاي محكمه دن عزتلو سانح بكك ژورقوميسر ودعوى وكيللرندن حسن خيرى بك ايله يورغا كى ايتيميدى افنديك موقت سنديك تعيينلرينه ومغازه سيله اشياى زائده بيتيه سنك تمهيريته واوراق ودفاترينك جلبه وكفالت مصدقه ارايه ايدمديكى تقديرده حبس وتوقيفه وبوباده كى قرارك موقتاً اجراسنه ايكنجى تجارت محكمه سنجه قرار ويرلش اولديغندن قانوننامه تجارتك ۱۷۰ نجى مادهسى موجبجه دائمى سديكلر انتخاب اولمق اوزره اشبو ۳۲۳ سنه سى ايلونك يكرمنجى نجشنيه كوني ساعت القى راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سنه كللى اعلان اولنور .